

UCA PAN YAB PERDANA MENTERI,
DATO HUSSEIN ONN, SEMASA
DI MAJLIS UPACARA PENUTUP
MUKTAMAR DAKWAH ISLAMIAH
BAGI TENGGARA ASIA DAN RANTAU
PASIFIK DI DEWAN TUNKU ABDUL
RAHMAN, KUALA LUMPUR, PADA
HARI ISNIN, 14HB.JANUARI, 1980,
JAM 10.00 PAGI.

*Yang Berhormat, Datuk Amar Haji Taib Mahmood,
Pengerusi Muktamar.*

Assalamu 'alaikum Warahmatullahi Wabarakatuh.

Bismilla-hir-Rahma-nir-Rahim.

2. Yang Teramat Mulia Tunku Abdul Rahman,
Presiden Pertubuhan Kebajikan Islam
Malaysia.
3. Tuan Yang Terutama Shaikh Muhamad Ali Al-Harakan,
Setiausaha Agong Rabitah Al-Alam Al-Islam,
AZIZAL SHIMA, Mekah.
- 3A. *Tuan yang Terutama, Setiausaha Agong,
Jemaah Penyelidikan Islam bagi Asia.*
4. Para Perwakilan Luar Negeri, Para peserta, dan
5. Para Hadirin sekalian.

Muktamar Dakwah Islamiah bagi
Tenggara Asia dan Rantau Pasifik ini telah
menarik minat dan perhatian ramai. Ia telah
menjadi pusat tumpuan disebabkan oleh sambutan

2.

yang begitu menggalakkan dari 17 buah negara di rantau ini, dan juga kerana ianya diadakan pada ketika pemandangan dunia tertumpu kepada kebangkitan semula Islam.

2. Hasil keputusan yang telah dicapai oleh Muktamar ini, amatlah memerangsangkan. Menggembelingkan tenaga, serta menyelaraskan kegiatan gerakan dakwah yang dijalankan oleh badan-badan dan pertubuhan dakwah dari rantau ini, adalah usaha yang amat baik dan berkesan. Dakwah yang benar, yang dijalankan secara jujur dan ikhlas, akan mengukuh perpaduan, serta mengeratkan kerjasama umat Islam di rantau ini

3.

kearah meninggikan lagi syiar Islam dan taraf ekonomi umat Islam.

3. Saya mengucapkan tahniah kepada pihak penganjur,aitu Rabitah Al-Alam Al-Islam Mekah,dan juga Pertubuhan Kebajikan Islam Malaysia atau PERKIM,di atas usahasama dan kejayaan mereka menganjurkan Muktamar ini. serta diatas kejayaan Muktamar ini mencapai matalamat dan tujuan yang telah ditetapkan. Saya juga mengucapkan berbanyak terima kasih serta setinggi-tinggi penghargaan, kepada pihak penganjur, khususnya kepada Yang Teramat

4.

MuliaJunku Abdul Rahman,dan Tuan Yang
Terutama Shaikh Muhamad Ali Al-Harakan,

di atas penghormatan yang telah diberikan
kepada saya di majlis ini. Saya juga suka
menyampaikan ucapan terima kasih dan penghargaan,
kepada Sekretariat Pertubuhan Negara-Negara
Islam, di atas sokongan yang telah diberikan
kepada Muktamar ini.
Para hadirin sekalian.

4. Memanglah sejak Islam diwahyukan.

terdapat tentangan dan ancaman terhadap

perkembangannya dan penyebaran ajaran-ajaran

5.

agama suci ALLAH ini. Cabaran dan dugaan yang dihadapi oleh umat Islam di zaman ini tidak kurang juga hebatnya. Selain dari ancaman yang di datangkan dari luar, yang bertujuan hendak memusnahkan Islam, terdapat juga gejala-gejala yang dengan secara langsung atau tidak langsung boleh melemahkan perjuangan umat Islam. Perbezaan-perbezaan pendapat dan pertelingkahan di kalangan pemimpin-pemimpin negara Islam, sedikit sebanyak telah juga menjejaskan perpaduan dan keutuhan umat Islam di seluruh dunia.

6.

5. Kegiatan dakwah yang berbeza-beza dan tidak selaras, telah juga melahirkan bibit-bibit perpecahan umat Islam sesama sendiri. Penyampaian dakwah dengan cara yang sempit dan keterlaluan juga, telah menimbulkan ketakutan dan kebimbangan di kalangan penduduk-penduduk bukan Islam. Jika kesemuanya ini tidak dikawal dan diperbaiki, maka ia akan hanya mempupuskan kemajuan ekonomi dan pembangunan umat Islam. Keadaan ini jika berlanjutan, boleh membangkitkan kecukiran dan kesangsian penduduk-penduduk lain agama terhadap Islam dan umat Islam.

7.

6. Kita mestilah bersyukur kehadiran Ilah di atas kurniaan rahmat kemakmoranNYA.yang telah dapat kita nikmati selama ini. Hasil sumber alam, terutamanya minyak,yang telah dikurniakan olehNYA kepada sebilangan negara-negara Islam, telah meletakkan taraf kedudukan kita dan agama kita,ke mercu yang paling tinggi. Pandangan seluruh dunia tertumpu kepada negara-negara ini,serta umat Islam seluruhnya. Negara-negara maju dan pemimpin-pemimpin dunia. sentiasa memerhatikan serta mengikuti perkembangan. terutama mengenai cara dan kebijaksanaan kita menggunakan kekuasaan ekonomi yang diperolehi dari hasil kekayaan minyak.

6A. Malaysia tidak akan menggunakan kekuatan pada jalan yang sempit dan tidak waras. Kita akan sentiasa menggunakan hasil sumber alam

7A.

yang ada pada kita, dengan cara yang penuh bertanggungjawab, untuk faedah dan kebajikan rakyat jelata serta kepentingan negara. Dengan cara ini, maka dunia akan menghormati kita.

Pemimpin-pemimpin Islam hari ini telah menunjukkan ketokohan dan mutu pimpinan yang tinggi.

6B. Mutu kepimpinan yang saya maksudkan itu ialah tidak kurang pentingnya kepada pemimpin-pemimpin Islam dalam sesebuah negara dimana penduduk-penduduknya terdiri dari berbilang kaum yang menganuti pelbagai agama. Sewajarnya umat Islam, bahkan rakyat seluruhnya, menghindarkan

7B/-

7B.

sebarang selisih faham, yang boleh membawa kepada pertelingkahan di kalangan penduduk. Kita mestilah mengamalkan toleransi beragama, dan toleransi hidup bersama, dalam masyarakat yang berbilang kaum dan berlainan agama.

7. Dalam hubungan ini, saya merasa amat bangga kerana rakyat dan penduduk dari berbagai kaum yang menganuti lain-lain agama di Malaysia, telah dapat mengamalkan semangat kerjasama dan persefahaman dengan umat Islam dalam semua bidang. Mereka sentiasa menghormati

8/-

8.

ugama Islam,serta sentiasa berhati-hati supaya tidak melanggar pantang larang dan adat resam orang-orang Islam. Toleransi beragama, semangat muhibbah dan hidup bermasyarakat dengan harmoni, sentiasa wujud di kalangan rakyat dan penduduk berbilang kaum dan berlainan agama di Malaysia. Inilah rahsia kemajuan, keamanan dan kemakmoran negara kita.

8. Umat Islam dan masyarakat Islam, di mana-mana juga di dunia ini, perlulah bersatu padu dan bersefahaman. Mereka mestilah menggunakan setiap saluran dalam

9.

apa jua bidang, bagi mengeratkan lagi silaturrahim. Saya penuh yakin, badan serantau yang telah diperakukan penubuhannya oleh Muktamar ini, akan menjadi media yang penting dan efektif* bagi mencapai matalamat kita hendak meninggikan lagi syiar Islam, serta meningkatkan lagi taraf ekonomi, dan membaiki keadaan hidup umat Islam dan masyarakat Islam, di rantau ini.

Para hadirin sekalian.

9. Islam adalah agama resmi negara ini.

Pengiktirafan ini telah dimaktubkan dalam Perlembagaan Persekutuan, yang telah digubal dan

10.

dipersetujui oleh pemimpin-pemimpin semua kaum di negara ini. Malaysia merupakan satu-satunya negara di dunia ini, yang telah meletakkan taraf agama Islam diperingkat yang paling tinggi secara undang-undang. Ini telah dapat dilakukan dengan pimpinan yang bijak oleh Yang Teramat Mulia Tunku Abdul Rahman, dan pemimpin-pemimpin Malaysia yang terdahulu.

11.

11. Kerajaan Persekutuan dan Kerajaan-Kerajaan Negeri dari sejak kemerdekaan, telah melaksanakan berbagai rancangan, bukan sahaja bagi tujuan meninggikan lagi syiar Islam, bahkan untuk membaiki lagi keadaan hidup serta meningkatkan lagi taraf ekonomi umat Islam di negara ini.

12. Peruntukan telah dan akan terus disediakan oleh Kerajaan Persekutuan

12.

dan Kerajaan-Kerajaan Negeri, bagi membina mesjid-mesjid dan surau-surau untuk kemudahan dan keselesaan umat Islam beribadat kepada ALLAH.

13. Kerajaan sememangnya menitik-beratkan pendidikan agama. Pengajian bidang ini diwajibkan bagi pelajar-pelajar Islam di sekolah-sekolah rendah dan menengah. Di Pusat-pusat Pengajian Tinggi, pelajar-pelajar boleh mendalami pengajian mereka mengenai Islam. Fakulti Islam dan Kolej Perguruan Agama Islam, telah juga ditubuhkan. Kerajaan memberi galakan dengan menyediakan biasiswa bagi pelajar-pelajar melanjutkan pengajian Islam ke universiti-universiti.

13.

14. Ramai bilangan pelajar-pelajar Islam kita yang telah lulus,dan sekarang ini,sedang berkhidmat dengan Kerajaan. Sebilangan daripada mereka

14/-

14.

adalah memegang jawatan-jawatan yang penting. bukan sahaja dalam Jabatan-Jabatan agama di negeri-negeri, Pusat Islam dan Yayasan-Yayasan Pengajian Tinggi, bahkan juga dalam perkhidmatan-perkhidmatan awam yang lain.

15. Dalam usaha Kerajaan meninggikan taraf ekonomi dan memperbaiki keadaan hidup masyarakat dan umat Islam, berbagai projek dan rancangan telah, sedang dan akan terus dijalankan. Dasar Ekonomi Baru adalah bertujuan bagi mencapai matalamat ini. Kerajaan telah juga menubuhkan badan-badan dan institusi-institusi socio-ekonomi.

15.

bagi membolehkan umat Islam melibatkan diri serta mengambil bahagian dalam kegiatan-kegiatan ekonomi negara.

16. Kesemua gambaran yang telah saya berikan itu bukan untuk propaganda, tetapi adalah yang sebenarnya. Dengan ikhtiar Kerajaan ini, serta tenaga yang boleh didapati dari umat Islam di negara ini, saya penuh yakin, usaha yang lebih pesat dapat digembelingkan ke arah menjalankan gerakan dakwah yang sihat serta yang lebih berkesan lagi supaya cita-cita kita hendak meninggikan syiar Islam, serta hendak

16.

meningkatkan pembangunan ekonomi umat Islam dan masyarakat Islam, dapat dilaksanakan sepenuhnya dan dengan jayanya. Insya Allah, dengan berkat rahmatNYA. serta taufiq dan hidayah dariNYA.umat Islam akan dapat mencapai cita-cita dan matalamat ini. Saya berdoa kehadiran Allah Subhanahu Wata'ala,semoga dimakbulkan segala usaha suci dan usaha mulia kita ini.

Para hadir sekalian.

17. Dengan ini, saya dengan amat sukacitanya mengisytiharkan Muktamar Dakwah Islamiah bagi

Tenggara Asia dan Rantau Pasifik ini,ditutup

dengan resminya. Wabillahit-taufiq Wal-hidayah, Wassalamu 'alaikum Warahmatullahi-Wabarakatuh.



No Siri 466
No Penerimaan 85/81